







S. VIII. 33.

EXEQUIÆ EUNDÆ

Viro Amplissimo & Integerrimo

DN. THEODORI.
CO STADLANDERO,

in inclita Stetinenſium Republica
Senatori inculpato,

anno æra Chriſtiana clc lxxci. V. Id. VIIIbr.
in Friſia nati,

in ipſis natalitijs Chriſti ferijs viii. Kal. Jan.
anni nuper finiti, apud nos denati

& ineunte hoc novo anno, prid. Non. Jan. ſolemni-
bus conſuetis humandi!

Ut interſit

STUDIOSA IN GYMNASIO STETI-
NENSI JUVENTUS,

HUMANITER

INVITATUR

A

SUO RECTORE

M. J. MICRÆLIO.

STETINI

Typis GEORGII GOETSCHII.

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS

ANDERSON

STUDIOS IN OTMANNISTEN

THEODORUS



Plis Calendis Januarijs,

*Quædam alternas accipimq; preces,
Et primam ad vocem timidas adverti-
mus aures,*

intimanda est vobis, filij, mors THEODORICI STADLANDERI; viri nondum decrepiti, & qui longe diutius per ætatem suis consulere potuisset. Hic quum quarto abhinc die communi omnium matri terræ reddendus sit, ipsa me urget temporis necessitas, ut correpto sacris Calendis calamo, de morte quædam præfatus, quæ prælo typographorum committi possint, cœtum vestrum ad tumultum, notis solemnitatibus dicto tempore decorandum, mature evocem. Occinit vero Poëta:

Nunc dicenda bono sunt bona verba die:

Id jubet, cum in Fastis suis enumerat, quæ primis anni ineuntis Calendis sint agenda, quibus abstinendum. Prosperam enim dicit esse lucem, quæ

Principium capiunt Phæbus & annus idem:

lite hic esse & jurgijs, tristibusq; ominibus abstinendum; omnia enim inesse principijs, & cavendum,

Totus ab auspicio ne foret annus iners.

Ego tamen de morte vobis nunc iterum concionor. Quid vero illa horribilius? Quis est aut quotusquisq; cui mors cum appropinquat, non refugiat timido sanguine ac exalbescat metu? Uxorcula, & qui me impensius in familia amant, possent calamum manibus extorquere, & illud vulgi ingerere: Quæ jam conaris, toto anno sunt expectanda. Morieris, si de morte verba tibi excidant. Sed si mortuus est STADLANDERUS die sacrato, ipso scilicet Christi nati festivissimo die, quid ego non festo die cogitem de morte, quam nullæ possunt excludere feriæ?

Serius, ocyus fors exitura.

Δεῖ θανεῖν με : ut est apud Euripidem. Oportet me mori, & hoc non in crastinum, neq; in tertium mensis diem mihi differtur malum: Quamqvā quid dico malam, qvā malorum finis est & pharmacum, atq; πολλύς, qvā, ut est in Psalmo CXLII, 8. anima educitur ^{ῥῆμα} ex carcere seu clausura? Non sane finit vitam, sed maliciā. Repetitur anima, non interimitur.

Mors hęc reparatio vitę est.

Nec ignorarunt hoc apud profanos Philosophi, à quibus mors sic describitur, ut sit non abolitio vitę & φθορά, sed χωρισμός, λύσις καὶ μετέωρησις. Quid, inquis, igitur horremus montem? quare inviti hinc discedimus? Quinam vero illi, inquam ego? Omnes sane inviti non discedunt. Calanus cum Gymnosophistis, & Cleombrotus cum Cyrenaicis non expectabant mortem, sed advocabant. Nec Getę ἀθανάζοντες lugebant funera, sed puerperia: illa æstimates cantu & lusu; hęc lāmentis digna. Non lugemus omnes morientes; omnes lugemus nascentes:

Exclamant E vel A, quotquot nascuntur ab Eva:

Masculus A patrem; sed E luget fœmina matrem.

Inviti igitur à lacrymis terrenum hoc iter auspicamur omnes, tanquam exilium. Quia autem non omnes ploramus egressuri hinc, sed cum Simeone, missionem in pace fieri, plurimi gaudemus, vel hinc constat, mortem, si nonnullis incutit terrorem, quibusdam esse levamento. Si vel maxime & nos mortem horremus, non tamen tota expavescimus anima. Quę in altero seculo in melioribus exercebitur, tantum abest, ut invita discedat, ut potius quotidie sponte discedat. Quid enim philosophia aliud à nobis requirit, quam ut voluntas à pravis corporis affectibus, & mens à sensibus sevocetur. Hoc dam-

agimus, moritur anima affectibus & sensibus, & liberatur à corpore. Hanc ob causam scitissimè Plato philosophiam vocavit mortis meditationem. Quia igitur sapientibus mors est familiaris & domestica, non illis incutit terrorem, quum jam dudum didicerint, qualis sit post obitum futurus puri animi habitus; tranquillus videlicet & serenus, & idearum formulis, ut Platonice loquar, quasi stellarum radijs circumfusus, & divini solis splendore coruscans. Abeat igitur ea animæ pars invita, quæ alendo & nutriendo, etiam oblectando corpori est tributa, quia posthac naturali quodam officio suo incumbere non licebit: doleat etiam illa anima, quæ mentem nimis submisit sensibus & affectibus: horreat denique & cū fremitu exeat, quæ male sibi conscia, non ignorat, superstitem fore se post funera, sed in æternis tenebris: nobis tamen sanior mens, qui novimus omnem culpam, quæ coelis indignos fecerat, ab illo esse dilutam & remissam, cujus è virgine nativitatem superioribus diebus læti celebravimus. Non quidem nego, cruciatum multis imponete, quem putant sibi instare sub animæ à corpore discessu. Ego vero quotidianis illis morbis, quibus caput vel dentes vel viscera torqueri sentimus, plus doloris inesse arbitror, quam cum nervis jam obtusis, mors animam evocat. Ipsum igitur discessum si cum Timæo apud Platonem voco sævam soporis oppressionem, non erravero: nec enim abludunt mysteria nostra, in quibus morientes dicuntur obdormire & à laboribus requiescere. Vanum mortis metum tolle, & morti nihil horroris inest, nisi quatenus anima nondum satis coelis apta est. Aptæ autem non redditur nostris virtutibus & meritis: sed solius Christi beneficio. Huic si omnia nostra commiserimus, venientem mortem læti poterimus excipere, ut qui nos diu ad eam composuimus. Sensit hanc felicitatem

pie defunctus : ideoq; cum in piorum coetibus nati Christi beneficia lætis hymnis nuper celebrabamus, utut lecto qua membra affixus, toto anno in promissiones sibi à Servatore suo factas incubuit, & eo die, qui ecclesie omnium est lætissimus, in æterna gaudia discessit. Lætā hanc catastrophē præsenferat : ideoq; ex illis Christi verbis, quibus apud Johannem XVII, 24. à patre impetrat, ut, ubi ipse sit futurus, secum sint sui, & gloriam suam videant : materiam homiliæ ad populum in sui funeratione habendæ depromi, paulo ante jusserat. Hæc cum dico, vel sic puto me bono die bona dixisse verba, nec triste anni auspiciū dedisse, sed animum ad salutares cogitationes, quibus indies se emendet, revocasse. Ortum vero, vitam & egressum beatē defuncti quod attinet, Frisius ille est natione, anno æræ Christianæ clo lxxci. quinto iduum Octobris Suhrwurdia prope Oldenburgam natus. Hic locorum & in vicina Westphalia antiquas Saxonum sedes Geographi non sine causa ponunt : & genius loci nondum desijt incolis adspirare animos tantopere in Saxonibus quondam celebratos. Quod eo libentius dicimus, quia hæc nostra Pomerania, cum Sarmaticæ gentes, longius in has Germaniæ oras per absentiam majorum nostrorum, catervatim contra vim Romanorum sistendam eductorum, progressæ, his sedibus denuo exuerentur, è Westphalia & Frisia evocavit, quos, ut incolis antiquis lingua & moribus conformes, suis permisceret. Et cū huc sese etiā STADLANDERI fratres reciperent, læto illos excepit vultu. Pater illis fuit ULRICUS ALBERTUS STADLANDER, vir integer & ingenuus; mater, FLORA ULRICI, maritona apud suos conspicuæ pietatis. Patruū habuere ROLFUM, Senatorē quondam & Camerarium in vicino Palswalco.

walco. Quē cum noster THEODORICUS inaudiret mer-
caturā satis splendidam exercere, seq; pietate & pruden-
tia omnibus commendare, jam annum ætatis ægis XVI.
consensu parentum evolavit Palewalcum, & in familiam
patruī accitus, totos sex annos eadem apud illum laude
probitatis & integritatis confecit, quā artea pueritiam in
paternis ædibus. Hæc vero adolescentiæ tempora sic ne-
gotijs mercatorijs dispensabat, ut nunquam illorum
librorum curam deponeret, in quibus noverat res
gestas & fata variorum populorum describi. Hunc ar-
dorem legendi historias, & autores melioris notæ com-
parandi nec vir factus deposuit: & vel maxime hæc
in re mihi sapuisse videtur, illis longè prudentior, qui,
cū Latina aut Græca non intelligunt, sibi aditum ad
prudentiam, in libris vernacula lingua conscriptis, non
patere putant. Sui juris jam factus, meminerat, se non
sine lucro frumentum patruī in Hispania, quo missus ab
illo fuerat, paulo ante distraxisse, subinde igitur mari se
commisit, & jam in emporijs Hispaniarū, jam in Belgio &
Gallia, jam alibi fortunarum suarum incrementa quæsi-
it. Quo in vitæ genere quot curas devoraverit, quas æ-
rumnas sustinuerit, quæ pericula adierit, facile conjicit,
cui non ignotæ sunt maris fortunæ, merciumq; ipsarum
vicissitudines: quibuscum postquam alio integro sexen-
nio conflixerat, acuto est correptus morbo, qui linguæ
usum etiam per horam intercepit. Eluctatus tamen per
Dei gratiam, denuo sibi rebusq; suis institit, & quia sibi
jam prospexerat de rebus ad vitam necessarijs, uxore si-
bi opus esse intellexit, quacum curas sociaret, ut quæ
ipse foras quæreretur, domi illa dispensaret: & urge-
bat jam annus ætatis XXX. Elocari igitur sibi voluit vir-
ginem lectissimam ANNAM, MATTHÆI HEN-
CKII negotiatoris quondam apud nos notissimi filiam.

Huic

Huic XXIX pene annos tanta fide, tantaq; animi tranquillitate convixit, ut exemplū omnibus præberet conjugalis moderationis. Nec sterilis fuit torus; Novem enim libros ex uxore sustulit, quatuor nempe filios, reliquos sexus sequioris, omnes indolis non vulgaris. Longo jam se tempore patribus civitatis probaverat, vitæq; innocentia meruit, ut æt. cl. lxxc XXXI. in senatum coöptaretur. Postea etiam illis associatus est, quibus rationes committatum pro exercitibus regijs incumbunt. Et harum causa ante sexennium in Suediam ad aulam profectus, cætera quidem ad votum expedit, filium autem interea egregium, natu majorem, non leviter jam literis & ingenuis artibus tinctum, & filiam adultam hic amisit, nec exequijs caræ sobolis interesse ipse poterat. Sic scilicet vita nostra transigitur, ut adversa subinde cursum felicitatis sistant. Substitit tamen in omnibus, quæ animi constantiam labefactare possent: vir longè optimus, & eo nomine mihi quoq; carissimus, quod filios studio sapientiæ omnes destinaverat, & cū nuper ULRICUM majorem è nostra palæstra, in qua quadriennium fere militaverat, ad Academicas arenas emitteret, reliquos juniores apud me in illius locum substituere voluit. Diximus, ut vixerit. Vitæ solet mortis genus respondere: nec male moritur, qui bene vixit. Decem tantum diebus decubuit, febri acutissima correptus: unde cū non posset arte Medicorum liberari, sanam ex agroto corpore mentem in manus cœlestis sui Domini deposuit, & quidem, quod dixi, in summa natalitiorum Christi festivitate. Vos, juvenes florentissimi, exequias viro amplissimo ite: idq; eo libentius, quia quatuor filios cætui vestro, dum vixit, associavit. VALETE.

M. J. MICRÆLIUS.

F I N I S.



92116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

